

## მესხეთის ანარეპლი სვანურში

### მოკლე შინაარსი

სტატიაში მოთხრობილია ისტორია სოფელ უშგულის მაცხოვრის ეკლესიაში დაცული ერთი ძვირფასი ხატისა, რომელიც მისთვის შეუწირავთ XII-XIII საუკუნეთა მიჯნაზე მოღვაწე ვინძე ვახტანგ წახანელისძისა და მის მეუღლეს – ხუაშაქს. ირკვევა, რომ ისინი მაღალ სოციალურ წრეს ეყუთვნოდნენ და, ალბათ, ცხოვრობდნენ სოფელ წახანში, მდინარე ოძრხეს ხეობაში. აკადემიკოს სერგი ჯიქიას ფუნდამენტურ სამტომეულში „გურჯისტანის ვილაიეთის დიდი დავთარი“ (1941: 11, 122; 1947: 9, 120; 1958: 165, 168-173, 496) ამ სოფლის შესახებ გარკვეული მსჯელობაა. მას ახსენებს მ. ბროსეც (1861: XXV). იგი დღესაც იმავე ადგილას მდებარეობს (შდრ. რ. ოთვზიშვილი, სვანეთი და სვანეთის მკვიდრი, 2015: 59) და შედის თანამედროვე ადიგენის მუნიციპალიტეტში, ოღონდ „ოურქ მესხებად“ თუ „კაგვასიელ თურქებად“ მონათლულ და თავიანთი სამკვიდროდან 1944 წელს აყრილ ადგილობრივ მკვიდრთა (მაჰმადიან მესხთა) ნაცვლად ახლა იქ იმერლები ცხოვრობენ (შ. ბერიძე 2013: 185-194).

გამოყლევის ავტორი ქართ. წახ- ზან. ჭოხ- / სვან. ჭებ- < ჭახ ძირთა ფონემატური ანალიზის საფუძველზე ცდილობს, ერთმანეთს დაუკავშიროს სამი ქართული გვარი: წახ-ან-ელ-ის-ძე (მესხეთში), ჭოხ-ონ-ელ-ი-ძე (ისტორიულ სამეგრელოში) და ჭებ-ან < ჭახ-ან (სვანეთში). ამ თვალსაზრისის დასადასტურებლად სტატიაში გაანალიზებულია არა შოლოდ ანთროპონიმები, არამედ ტოპონიმებიც.

**საკვანძო სიტყვები:** უშგული, მაცხოვრის ეკლესია, მდინარე ოძრხე, ხატი, ვახტანგ წახანელისძე, ხუაშაქი, ანთროპონიმები, ტოპონიმები.

*Iza Chantladze*

## REFLECTION OF MESKHETI IN SVANURI

### *Abstract*

The paper deals with the history of the most valuable icon that is kept in the Ushguli Seviour Church and which is donated by Vakhtang Tsakhanelisidze and

his wife Khuashaki at the boundary of XII-XIII centuries (Taqaishvili 1937:153). It turns out that they belonged to a high social rank and probably lived in the village Tsakhani, in river Odzrkhe gorge. Acad. Sergi Jikia's fundamental three-volume book "*Big register of Gurjistan's vilajet*" (1941:11, 122; 1947:9, 120; 1958:165, 168-173, 496) gives the description of this village. M.Brosset also speaks about it (1861: XV). It is still located in the same place (cf. R.Topchishvili, "*Svaneti and inhabitants of Svaneti*", 2015:59) and belongs to contemporary Adyge municipality. Today Imerians are inhabiting there instead of local inhabitants (Muslim Meskhetians) who have been named "Meskhetian Turks" or "Caucasian Turks" and who have been deported from their home-land in 1944 (M. Beridze 2013:185-194).

Basing on phonematic analysis of Geo. **wax-** / Zan **yox-** / Svan **yex-** < **yax** the author of the study attempts to link three Georgian surnames to each other: **wax-an-el-is-Ze** (in Meskheti), **yox-on-el-i-Ze** (in historical Samegrelo) and **yex-an < yax-an** (in Svaneti). In order to confirm this view, the article analyzes anthroponyms and toponyms.

**Key Words:** Ushguli, Seviour Church, river Odzrkhe, Vakhtang Tsakhanelisdze, Khuashaki, anthroponyms, toponyms.

ნაშრომის **მიზანია** ქართული დექსიკური ერთულის ფუძის **წახ-** ზან. **ჭოხ-** / სვანურ ჭეხ- < ჭახ ძირთან ფონემატური ანალიზის საფუძველზე მათი რაობის გარკვევა, რისთვისაც ერთმანეთთან დაკავშირებულია სამი ქართული გვარი: **წახ-ან-ელ-ისძე** (მესხეთში), **ჭოხ-ონ-ელ-ი-ძე** (ისტორიულ სამეგრელოში) და **ჭეხ-ან < ჭახ-ან** (სვანეთში). ამ თვალსაზრისის დასადასტურებლად სტატიაში გაანალიზებულია არა მხოლოდ ანთროპონიმები, არამედ ტოპონიმებიც.

**მეთოდი.** სამეცნიერო ნაშრომში გამოყენებულია შედარებით-ისტორიული, ლინგვისტური, სტრუქტურული, ანალიტიკური კვლევის მეთოდები.

### შესავალი.

გვარი **წახანელისძე** რამდენიმე წეაროშია დადასტურებული და ჩანს, რომ იგი მაღალ სოციალურ წრეს ეკუთვნოდა. ამ საგვარეულოს წარმომადგენლები, ალბათ, ცხოვრობდნენ სოფელ წახანში, მდინარე ოძრხეს ხეობაში. სოფლის შესახებ მსჯელობას ვხვდებით აკადემიკოს სერგი ჯიქიას ფუნდამენტურ სამტომეულში „გურჯისტანის ვილაიეთის დიდი დავთარი“. იგი მოხსენიებულია მ. ბროსეს მიერაც. ეს გვარი ძირთა ფონემატური ან ალიზის საფუძველზე დაკავშირებულია კიდევ ორ ქარ-

თულ გვართან: ჭოხონელიძე და ჭეხან/ჭახან. ამ გვართა ურთიერთმიმართების დასადგენად საჭიროა გაანალიზდეს არა მხოლოდ ანთროპონიმები, არამედ ტოპონიმებიც.

### მსჯელობა.

რეგულარული ფონემათშესატყვისობა არაერთ რთულ პრობლემას ხსნის ქართველოლოგიაში, მაგრამ, სამწუხაროდ, მას სათანადო კურადღება არ ექცევა არაენათმეცნიერთა მხრიდან. ამჯერად ჩვენ შევეხებით ისტორიული ანთროპოლოგიის მხოლოდ ერთ კონკრეტულ მონაცემს – ქართული ეროვნული კულტურის ილუსტრაციას:

უშგულში, მაცხოვრის ეკლესიაში (მაცხუჭრიში), ინახება ძვირფასი ხატი, რომელიც მისთვის შეუწირავთ ვინმე გახტანგ წახანელისძესა და მის მეუღლეს – ხუაშაქს XII-XIII საუკუნეთა მიჯნაზე (თაყაიშვილი, 1937: 153). ირკვევა, რომ ისინი მაღალ სოციალურ წრეს ეკუთვნოდნენ და, აღბათ, ცხოვრობდნენ სოფელ წახანში, მდინარე ოძრებეს ხეობაში. აკადემიკოს სერგი ჯიქიას ფუნდამენტურ სამტომეულში „გურჯისტანის ვილაიეთის დიდი დავთარი“ (1941: 11, 122; 1947: 9, 120; 1958: 165, 168-173, 496) ამ სოფლის შესახებ გარკვეული მსჯელობაა. მას ახსენებს მ. ბროსევ (1861: XXV). იგი დღესაც იმავე ადგილას მდებარეობს (შდრ. რ. თოვზიშვილი, სგანეთი და სვანეთის მკვიდრი, 2015: 59) და შედის თანამედროვე ადიგენის მუნიციპალიტეტში, ოდონდ „თურქ მესხებად“ თუ „კავკასიელ თურქებად“ მონათლულ და თავიანთი სამკიდროდან 1944 წელს აყრილ ადგილობრივ მკვიდრთა (მაჰმადიან მესხთა) ნაცვლად ახლა იქ იმერლები ცხოვრობენ (ბერიძე, 2013: 185-194).

წახანი ადრე დიდი სოფელი ყოფილა. 1870 წლისთვის მასში 75 კომლი ცხოვრობდა და მდებარეობდა ახალციხიდან 13 ვერსზე, მდინარე წახნისწყლის მიდამოებში (Зиссерман, 1870: 14). იქვეა სოფელი წახნისწყაროც. მათ შესახებ არაერთი ცნობაა დაცული საქართველოს ცენტრალურ ისტორიულ არქივსა (ფონდი 70, საქმე 44) თუ ხალხურ პოეზიაში.

მაგალითად:

„ერთი გოგო ვნახე წახნისწყაროსა,  
პირი მზეს უგავდა, ტანი – საროსა,  
ღმერთს შევეხვეწე, ამეყვანოსა,  
სწორზე ქორწილი ვქნა, მამეყვანოსა.“

(„ძველი საქართველო“, III, 1913-1914: 251; ს. მაკალათია, მესხეთ-ჯავახეთი, 1938: 37).

ისტორიკოსთა კვლევების მიხედვით, XII-XIV საუკუნეების საქართველოში ხუაშა'ქ'ის სახელწოდებით რამდენიმე ქალბა-ტონია ცნობილი, რომელთა უმრავლესობა გიორგი მესამისა თუ თამარის სამეფო კარზე დაწინაურებულ მხარგრძელთა და ჯა-ჭელთა შთამომავალია. ზოგი მათგანი ქრისტიანულ ძეგლთა ქმიტორრად და ხატების შემამკობლადაც კია მიჩნეული (გოგო-ლაური, 2017: 63-81). ამიტომ სრულიადაც არაა გასაკვირი, რომ მესხეთის მკვიდრი დაინტერესებულიყო სფრინვის უკიდურეს ჩრდილოეთ ნაწილში აგებული ძეგლი ეკლესიითაც.

სვანეთის ისტორიულ დოკუმენტებში, რომლებიც ქართულ ენაზე შესრულებული, გვხვდება როგორც წახ-იან-ი, ისე წას-იან-ი და წარ-იან-ი (სილოგავა, 1988:490, 557). თუ კორექტურულ შეცდომასთან არ გვაქვს საქმე, მაშინ წახიანი წახანელისბის თავდაპირველი, უფრო არქაული ვარიანტი იქნება. ამ გვარს სა-მცხ-საათაბაგოში რედუცირებული ფორმაც (წახ-ნ-ელ-ი) ჰქონია (შძრ. ტოპონიმები: წახნისწყალი, წახნისწყარო / წახნიწარო / წახანწორა, ჯიქია, 1958: 93, 168-173).

ვფიქრობთ, რომ საანალიზო ქართული წახ- ძირის კანონზომიერი ფონემატური შესატყვისი უნდა იყოს წარმოდგენილი თანამედროვე სვანურ ძირში ჰქებ-, რომელიც გამოიყენება ისტორიულ გვარში ჰქებან (არც ისე დიდი რაოდენობით დღესაც რომ ცხოვრობენ ზემო სვანეთის სოფელ მულახში, აგრეთვე, თბილისში).

ერთი ძველი ხალხური სიმდერის (მეთეული შერგელად) ტექსტში ეს გვარი შვიდჯერ გვხვდება სახელობითი, მოთხოვობითი და მიცემითი ბრუნვის ფორმებით და შვიდჯერვე ჰაახან გვაქვს (სვანური პოზია, 1939: 52-56), ხოლო აა > ე ჩვეულებრივი მოვლენაა სვანური ენის ფონოტაქტიკაში:

ტოტა ჰაახან მახად შვედ-ტოტა ჰაახანი ახლახან მოსულა (სვ. პ., 52: 29); ტოტა ჰაახანდ ქი პნურნე-ტოტა ჰაახანმა გაიგონა (იქვე, 52: 35); ტოტა ჰაახანს თხუმ ხეხოლდა-ტოტა ჰააცანს თავში ხვდებოდა (იქვე, 54: 71)...

შვიდივე შემთხვევაში აკაკი შანიძეს, ვარდამ თოფურიასა და მერი გუჯეჯიანს საანალიზო გვარი ქართულენოვან ტექსტში ჰაახან ფორმით აქვთ წარმოდგენილი, რაც იმას ნიშნავს, რომ სიმდერის სოფ. მულახში ჩაწერის დროს (1936 წ.) სწორედ ამ გარიანტით იხმარებოდა ეს ოფიციალური გვარი. ამიტომ ისიცაა მოსალოდნელი, რომ აა > ე პროცესს კი არ ჰქონდა ადგილი,

არამედ რვამარცვლოვანი სტრიქონში და პროსოდიული ბგერაა და გაჩენილია სიმღერის მუსიკალური რიტმისა თუ ტექსტის არქიტექტონიკის დასაცავად.

**ჭეხან** ვარიანტი უკვე არსებობდა სვანეთში XIX საუკუნის ბოლოს (ნიუარაძე, 2007: 282). შესაძლოა იგივე ლექსემა ვივარაულოთ კასპის რაიონის სოფელ სამთავისში დადასტურებულ პიდრონიში ჭეხ-ა-ან-თ ხევი, სადაც პირველი კომპონენტი შტოგვარის აღმნიშვნელი მსაზღვრელი ჩანს.

XVI-XVII-XVIII საუკუნეებთა საგვარეულო მოსახსენებლებში არაერთხელაა დადასტურებული დიდებული ფეოდალი ჭეჟან დადიშველიანი / დაჩქლიანი (სილოგავა, 1986: 277-286). მაშასა-დამე, ამ შემთხვევაში ჭეჟ-ან (< ჭახ-ან < წახ-ან) ანთროპონიმია, რაც, აგრეთვე, უცხო არაა სხვადასხვა ენისოვის [დასავლეთ საქართველოში აბაშიძეთა ერთ ყმას ერქვა ჭოხ-ონა ძიძიგური] (ქალბატონ ნინელი ჭოხონელიძის ცნობით), რომელიც სამეგრელოს სამთავროში შემავალი ტერიტორიიდან – სოფელ მათხოვიდან იყო, ალბათ].

ლაშებეთში 1936 წელს ჩაწერილ სიმღერაში „გაურ-გავხე“ რუსეთის წინააღმდეგ სოფელს გასათავისუფლებლად მებრძოლ ერთ-ერთ გმირად დასახელებულია ვინმე ჭოხან (სვანური პოეზია, 1962: 7), რომელიც, ვინქრობთ, წახან ფუძის ზანური ვარიანტი უნდა იყოს (თუ ჯოხ-ა-ა, ჯოხ-ი-ა, ჯოხ-ი-ან, ჯოხ-ა-ძე<sup>უ</sup>ს არ უკაგშირდება!). იგივე სიტუაცია გვესახება ქართულ გვარშიც ჭოხ-ონ-ელ-ი-ძე; შძრ. აგრეთვე, ტობონიმები: ჭოხ-ული (სოფელი მესტიის რაიონში), ჭოხ-ონ-ა (სახნავი მიწის სახელწოდება ხობის მუნიციპალიტეტში) ჭახ-ან-ტფ-ებ-ი (ოღრონიდრო ფერდობი ჩხოროწყუს რაიონში) და ჭახ-ათ-ი (სოფელი ქობულეთთან ახლოს, ჭახ-ათ-ა (დელე თერჯოლის რაიონში), ჭეხ-ურ-ა/ჭეხ-ურ-ე (მდინარე სოფელ მათხოვში), ჭეხ-ა-ან-თ ხევი (კასპის რაიონის სოფელ სამთავისში)... ამ მონაცემებში თანხმოვანთა კანონზომიერი ფონემათშესატყვისობა ზუსტადაა დაცული, რაც ამოსავალია, არაერთი ქართველოლოგის აზრით. რაც შეეხება ხმოვნებს, იქ მეორეულ, შედარებით ახალი ქრონოლოგიური დონის ამსახველ მოვლენებთან უნდა გვქონდეს საქმე. (მაგალითად: შძრ. ჭახნაგ-იშ ტობა, მორევი მარტვილის რაიონის სოფელ თარგამეულში, წახნაგ/ჯია, ოფიციალური გვარი ჩხოროწყუსა თუ სენაკში და ქართული სიტყვა წახნაგი, „ტეხილი ზედაპირის ერთ-ერთი გვერდი“).

თავისთვალი ცხადია, ზემოაღნიშნული მსჯელობის შემდეგ

ვერ გავიზიარებთ ჩვენი ახალგაზრდა კოლეგის დ. შავიანიძის აზრს ჭოხონელიძის ხონელიძიდან მომდინარეობის შესახებ (შავიანიძე, 2012: 227-228).

როგორც ვხედავთ, ყველა ქართველურ ენაში, **წახ-ჭოხ-ჭახ** > **ჭეხ** ძირთან გამოიყენება ონომასტიკური, წარმომავლობის გეოგრაფიულ და კნინობითობის აღმნიშვნელ სახელთა მაწარმოებლი სუფიქსები. მათში მრავლობითობის მორფემის ფუნქცია კი არ უნდა ვეძებოთ ისე, როგორც ეს სპეციალურ ლიტერატურაშია მითითებული (შდრ. ტიბა-ან-ი, მელა-ან-ი, ჯუგა-ან-ი და ა. შ., იხ. ჯიქია, 1958: 496-497), არამედ – კრებითობისა, რაც შემდგომში შტო-გვარის აღმნიშვნელ სახელთა თუ ოფიციალურ გვართა წარმოებაში აისახა.

რას უნდა ნიშნავდეს ქართველურ ენათა ტოპონიმებში, პიდრონიმებსა თუ გვარებში დადასტურებულ **წახ-ჭოხ-ჭეხ** > **ჭახ** ძირი, ძნელი სათქმელია. აშკარაა, რომ იგი ძალიან ძველია და შესაძლოა მისი სემანტიკა მოდიოდეს რაჭული **ჭოხ-ო-ეთ-ი**’დან (ჩრდილიანი, უმზეო ადგილი“), რომელიც, თავის მხრივ, ზანური მეტყველების ანარეკლი ჩანს (შდრ. თემის საკრებულო **ჭოლ-ა**, ერთი მხრივ, და **ჭახ-ან-ტფ-ებ-ი** „ოდროჩოდრო ტყმ-ფერდობი“, მეორე მხრივ, ჩხოროწყებს რაიონში).

### შედეგები და დასკვნები.

ამრიგად, ყველა ქართველურ ენაში, **წახ-ჭოხ-ჭახ** > **ჭეხ** ძირთან გამოიყენება ონომასტიკური, წარმომავლობის გეოგრაფიულ და კნინობითობის აღმნიშვნელ სახელთა მაწარმოებელი სუფიქსები. მათში მრავლობითობის მორფემის ფუნქცია კი არ უნდა ვეძებოთ ისე, როგორც ეს სპეციალურ ლიტერატურაშია მითითებული, არამედ – კრებითობისა, რაც შემდგომში შტო-გვარის აღმნიშვნელ სახელთა თუ ოფიციალურ გვართა წარმოებაში აისახა. რას უნდა ნიშნავდეს ქართველურ ენათა ტოპონიმებში, პიდრონიმებსა თუ გვარებში დადასტურებულ **წახ-ჭოხ-ჭეხ** > **ჭახ** ძირი, ძნელი სათქმელია. ჩანს, რომ იგი ძალიან ძველია და შესაძლოა მისი სემანტიკა მოდიოდეს რაჭული **ჭოხ-ო-ეთ-ი**’დან (ჩრდილიანი, უმზეო ადგილი“), რომელიც, თავის მხრივ, ზანური მეტყველების ანარეკლი ჩანს.

## **გამოყენებული ლიტერატურა:**

ბერიძე, 2013: მ. ბერიძე, მაჟადიანი მესხების ფესვები და დღევანდელობა, ახალციხე. 2013.

გოგოლაური, 2017: რ. გოგოლაური, საისტორიო ძიებანი, ტ. I, თბილისი. 2017.

გოგოლაური, 2015: რ. გოგოლაური, გურკლელთა ვინაობის საკითხისათვის, „განათლება XXI საუკუნეებში“, გორი. 2015.

დოკუმენტები, 1940: დოკუმენტები საქართველოს სოციალური ისტორიიდან, 1940. თბილისი.

თაყაიშვილი, 1937: ე. თაყაიშვილი, არქეოლოგიური ექსპედიცია ლეჩხუმ-სვანეთში 1910 წელს, პარიზი. 1937.

თოფხიშვილი, 2015: რ. თოფხიშვილი, სვანეთი და სვანეთის მკიდრნი, თბილისი. 2015.

მაკალათია, 1938: ს. მაკალათია, მესხეთ-ჯავახეთი, თბილისი. 1938.

ნიუარაძე, 2007: ბ. ნიუარაძე, ქართულ-სვანურ-რუსული ლექსიკონი, თბილისი. 2007.

სილოგავა, 1986: ვ. სილოგავა, სვანეთის წერილობითი ძეგლები, I, თბილისი. 1986.

სილოგავა, 1988: ვ. სილოგავა, სვანეთის წერილობითი ძეგლები, II, თბილისი. 1988.

სვანური პოეზია, I, 1939: სიმღერები შეკრიბეს და ქართულად თარგმნეს აკაკი შანიძემ, ვარლამ თოფურიამ, მერი გუჯეჯიანმა, თბილისი. 1939.

შავიანიძე, 2012: დ. შავიანიძე, დიხაშხო-ისროის გვარსახელები, „ქართველური მემკვიდრეობა“, XVI, ქუთაისი. 2012.

ძველი საქართველო, 1913-1914: ძველი საქართველო, III, 1913-1914. ტფილისი.

ჯიქია, 1947: ს. ჯიქია, გურჯისტანის ვილაიეთის დიდი დამთარი, I ტ., თბილისი. 1947.

ჯიქია, 1941: ს. ჯიქია, გურჯისტანის ვილაიეთის დიდი დამთარი, II ტ., თბილისი. 1941.

ჯიქია, 1958: ს. ჯიქია, გურჯისტანის ვილაიეთის დიდი დამთარი, III ტ., თბილისი. 1958.

ბროსე, 1861: Броссе М., Переписка, на иностранных языках грузинских царей с российскими государями от 1659 г. По 1770 г., СПб. 1861.

ზისერმანი, 1870: Сборник материалов для описания Тифлисской губернии, под редакцией правителя оной К. Л. Зиссермана, т. I, вып, I, Тифлис.